



## Publicaziuns dalla vischnaunca, jamna 10

### Votaziuns federalas ed ina votaziun cantunala

L'urna principala en casa communalada ei aviarta sco suonda:

**Sonda, 7-3-2015 18.30–19.30**  
**Dumengia, 8-3-2015 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen venderdis, ils 6 da mars 2015, allas 17.00, tier l'administraziun communalada (tel. 081 920 36 36).

### Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalada saveis Vus tarmetter cun posta (supplicau da francar) ni directamein fierer en la scaffa da brevs dalla casa communalada.

Ils cedels da votar ston esser sil pli tard la sonda, ils 7 da mars 2015 allas 12.00 tier l'administraziun communalada. Il certificat dil dretg da votar ei da suttascriber. Senza Vossa suttascripziun cun agen maun ei la votaziun nunvaleivla.

*Suprastonza communalada Disentis/Mustér*

---

### Damondas da baghegiar

#### **2015-1001.000**

**Datum dalla publicaziun: 6 da mars 2015**

**Il patrun:** PEG Acla da Fontauna, Masanserstrasse 40, 7002 Chur

**Il representant:** Ritter Schumacher AG, Ottostrasse 4, 7000 Chur

**Object:** 5 baghetgs novs cun hotel, habitaziuns administradas, habitaziuns e garaschas sutterranas, tenor utilisaziun plan d'areal Acla da Fontauna, parcelas 1346, 1342 e 1339, Acla da Fontauna, 7180 Disentis Mustér

#### **2015-1002.000**

**Datum dalla publicaziun: 6 da mars 2015**

**Il patrun:** PEG Acla da Fontauna, Masanserstrasse 40, 7002 Chur

**Il representant:** Ritter Schumacher AG, Ottostrasse 4, 7000 Chur

**Object:** Spazzar ils baghetgs 720 e 720-A sin parcella 1346, Via Alpsu 50, 7180 Disentis/Mustér

- Ils plans da construcziun ein deponi tier l'administraziun communalada.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 4 da mars 2015  
*Uffeci da baghegiar Disentis/Mustér*



## Cussegl da vischnaunca

Il cussegl da vischnaunca seraduna **venderdis, ils 27 da fevrer 2015**, allas 20.15 en l'anteriura casa da scola a Segnas.

Tractandas:

1. Protocols nr. 17- e 18-2013/2016
2. Lescha da scola: Revisiun totala (messadi nr. 22-2013/2016)
3. Dretg da construcziun Sut Gliendas (messadi nr. 23-2013/2016)
4. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

## Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziu suandont project:

### **Nr. 2015 – 2006.000**

Cuminonza da proprietaris en condomini Casa Acletta, c/o confida.gr fiduziaria SA, Via Sursilvana 18, 7180 Disentis/Mustér; lavurs da manteniment vid las fatschadas dalla casa, casa sin parcella 1254, Via Acletta 58, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprapostonza communal.

Disentis/Mustér, ils 3 da mars 2015  
*Uffeci da baghegiar Disentis/Mustér*

---

## Cussegl da vischnaunca

### **Lescha da scola –Dretg da construcziun Sut Gliendas**

En sia seduta dil 27 da fevrer 2015 ha il cussegl da vischnaunca sut il tgamun dad Edgar Durschei tractau la revisiun totala dalla lescha da scola sco era il dretg da construcziun Sut Gliendas. La seduta ha giu liug el vischinadi da Segnas ell'anteriura casa da scola.

#### *Lescha da scola*

Dapi 2012 ei la nova lescha da scola cantunala en vigor. Muort las grondas midadas e che l'actuala lescha datescha digl onn 2002 ei ina revisiun totala dalla lescha stada necessaria. Quella lescha corrispunda alla lescha da model elaborada dil cantun. Il cussegl da vischnaunca ha approbau unanimamein la revisiun totala dalla lescha da scola cun suttametter la fatschenta el senn d'art. 21, lit. b dalla constituziun communal al referendum facultativ.

#### *Dretg da construcziun Sut Gliendas*

L'entschatta fenadur 2014 ei ina gruppa d'interess sedrizzata alla suprapostonza communal cun la damonda per in dretg da construcziun „Sut Gliendas“. Medemamein ha la suprapostonza dalla Pleiv S. Gions tractau la fatschenta. La fuorma definitiva dalla societad che obtegn il dretg da construcziun vegn definida suenter che tutas lubientschas ein avon maun.

La suprapostonza communal ei correspondent alla strategia definida prompta da metter a disposiziun terren el dretg da baghegiar, denton senza separticipar cun ina contribuziun finanziaria alla surbaghegiada previda. Plinavon vegn pretendiu primarmein ina cunvegna da prestaziun cun PUNTS-REIS Center da sanadad SA.



La surfatscha (cumpart vischnaunca 1'605 m<sup>2</sup> e pervenda 470 m<sup>2</sup>) a disposiziun ha ina mesira da 2'075 m<sup>2</sup> e sesanfla en la zona per edifecis publics. Cheutras sa vegnir garantiu ch'ei vegn buca erigiu objects da speculaziun, mobein tals che corrispundan agl interess public. Il dretg da construcziun ha in cuoz entochen la fin 2090. La valeta dil terren ei vegnius taxaus cun CHF 200.—/m<sup>2</sup> ed il tscheins pils emprems tschun onns importa 2.5%. Silsuenter vegn il tscheins fixaus tenor il tscheins da referenza hipotecar. Il tscheins annual dallas duasparcellas munta a CHF 10'375. Il cussegl da vischnaunca ha concediu unanimamein il dretg da construcziun sin las parcellas 3932 e 3027 a Sut Gliendas cun suttametter quei conclus el senn d'art. 21, lit. d dalla constituziun communal al referendum facultativ. Plinavon vegn la suprastanza communal incaricada da contrahar cun la Pleiv S. Gions pertuccont igl acquist dalla parcella 3027 (470 m<sup>2</sup>) e metter quella per las medemas cundiziuns a disposiziun.

*Suprastanza communal*

---

### **Referendum facultativ**

A caschun da sia seduta dils 27 da fevrer 2015 ha il cussegl da vischnaunca approbau unanimamein la revisiun totala dalla lescha da scola sco era concediu unanimamein il dretg da construcziun sin las parcellas 3932 e 3027 a Sut Gliendas. Plinavon ha il cussegl da vischnaunca autorisau la suprastanza communal da menar contractivas cun la Pleiv S. Gions per la cumpra dalla parcella 3027.

Conform ad art. 21, lit. b resp. d dalla constituziun communal ein quellas decisiuns suttamessas al referendum facultativ. Ils messadis tier sura duas fatschentas ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastanza communal*

---

### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: *clamei ils pumpiers mo sur il clom d'urgenza 118*. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala.*



## Vischinadi Funs-Clavianev 7180 Disentis/Mustér

### Invit

Alla radunonza extraordinaria **venderdis, ils 13 da mars 2015** allas 20.15 en casa communalta stanza da seduta.

Tractandas:

1. Beinvegna
2. Elecziun din dumbravuschs
3. Proposta per candidat(a) per il cussegl da vischnaunca
4. Varia

Cordialmein envida  
*la suprastanza*

---

## Frauenturnverein Disentis

### Unser Turnverein hat ein neues Angebot: «Line-Dance» 1 x im Monat

**Wann: Donnerstag, 12. März 2015**, um 20.00 Uhr Center da sport e cultura Disentis

**Weitere Daten:** Do, 7. Mai Wir laden alle tanzbegeisterten Frauen ein, bei uns hereinzuschauen.

**Vostand:** Uniun da gimnastica da dunnas Mustér (Tel. 079 672 50 46)

---

## Uniun da gimnastica da dunnas Mustér

**Nossa uniun ha ina nova purschida: «Line-Dance» 1 x per meins.**

**Cu: gievgia, ils 12 da mars 2015**, allas 20.00 el Center da sport e cultura Mustér.

**Ulteriuras datas:** gievgia, ils 7 da matg

Nus envidein en tuttas femnas interessadas pil sault, mirein en la halla da gimnastica!

El num dalla suprastanza (tel. 079 672 50 46)

---

## Meteorologe Thomas Kleiber im Disentiser Klosterforum

Am **Freitag, 6. März**, begegnen wir um 20.30 Uhr im Peter-Kaiser-Saal des Klosters dem Meteorologen nomas Kleiber. Das nema des Vortrags lautet: «Unwissen schützt vor Prognose nicht.» Der Umweltgeowissenschaftler nomas Kleiber ist seit 2008 bei SRF Meteo als Meteorologe tätig. SRF Meteo ist mit der Sendung «Tagesschau» die meistgeschautete Sendung im Schweizer Fernsehen.

Herzliche Einladung, P. Urban Affentranger

Eintritt frei. Kollekte zur Deckung der Unkosten.

---

## 7. radunonza generala

### Gievgia, ils 12-3-2015 allas 20.15 el Center sursilvan d'agricultura

Cordiala invitaziun alla 7. radunonza generala dalla uniun Center sursilvan d'agricultura.

Beinvegna ein era novs commembers ed interessai.



### **Corporaziun d'aua «Las Fontaunas» Mumpé Medel**

**Invit alla radunonza generala dalla corporaziun d'aua «Las Fontaunas» Mumpé Medel, venderdis, ils 14 da mars 2015** allas 20.15 uras el local la scursalada.

Tractandas:

1. Elecziun dumbravuschs
2. Prelecziun ed approbaziun protocol dils 5-4-2014
3. Rapport dil president
4. Rendaquen, rapport dils revisurs e dar scarica
5. Elecziuns: president, revisurs da quen
6. Orientaziun project
7. Taxas annualas
8. Program da lavur
9. Varia

*La suprastonza*

---

### **Mandalas da Pastgas**

Cars affons. La biblioteca organisescha ina occurrenza da colurar mandalas. Vegni tier nus pil fegl cun si il mandala e returnei quel coloraus entochen ils **2 d'avrel 2015**. Mintga affon retscheiva ina pintga sorpresa.

Ils mandalas san vegnir admirai vid las finiastras dalla biblioteca. Nus selegrein sin biars maletgs colurai!

A prest seveser! Vies team dalla  
*Biblioteca populara Disentis/Mustér e contuorn*

---

### **Uniun da dunnas Mustér Mummas cun affons pigns**

#### **Fiera da resti d'affons cun stiva da caffè**

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos eav.

Dunnas che drovan ina nova numra, ni han damondas san prender si contact cun Susanne Strupler, tel. 081 936 43 14.

**Dar giu resti:** Venderdis, ils 20 da mars 2015 dallas 16.30 entochen allas 17.00.  
Adatg: mintga grondezia da resti seperà en ina tastga

**Vendita:** Venderdis, ils 20 da mars 2015 dallas 19.00 entochen allas 21.00. Sonda, ils 21 da mars 2015 dallas 9.00 entochen allas 10.30.

**Retuorn dil resti buca vendiu (minus 20%):** Il resti vegn returnaus e pagaus, sonda ils 21 da mars 2015 allas 12.30 entochen allas 12.45. Per uorden che maunca sorprendin nus negina responsabladad.

#### **Kinderkleiderbörse mit Kaffeestube**

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen sowie Spielsachen, Schuhe, Auto- und Tischsitze, Kinderwagen, Velos usw. Frauen, die eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.



**Annahme:** Freitag, 20. März 2015 von 16.30 Uhr bis 17.00 Uhr in der Turnhalle Cons, Disentis  
Achtung: Jede Kleidergrösse separat in eine Tasche

**Verkauf:** Freitag, 20. März 2015 von 19.00 Uhr bis 21.00 Uhr Samstag, 21. März 2015 von 09.00 Uhr bis 10.30 Uhr in der Turnhalle Cons, Disentis

**Auszahlung (abzüglich 20%) und Rückgabe:**

Samstag, 21. März 2015 von 12.30 Uhr bis 12.45 Uhr Für fehlende Sachen übernehmen wir keine Haftung.

*Mummas cun affons pigns*

---

**Spezarias ina ga auter**

**Sonda, ils 14-3-2015 allas 19.30 el Center sursilvan d'agricultura**

Las referentas dall'unioni Broccoli Sonja Schwegler e Ye Schacher presentan igl effect curativ ed il diever dallas differentas spezarias ella cuschina asiata ed occidentala. Ils participonts vegnan accompignai sin in viadi sensitiv el mund dils friads da jarvas da cuschina e spezarias.

Annunzias per la parti ein da far entochen mesjamna, ils 11 da mars 2015 a tel. 081 936 48 00 ni per mail a [info@agricultura.ch](mailto:info@agricultura.ch). Dapli informaziuns ei d'anflar sin [www.agricultura.ch](http://www.agricultura.ch) ni [www.v-broccoli.ch](http://www.v-broccoli.ch).

Cordial beinvegni!

---

**Club da tennis Disentis/Mustér  
Invit alla radunonza generala**

**Sonda, ils 14 da mars 2015** allas 19.00 el hotel Rhätia, Mustér.

Gliesta da tractandas:

1. Beinvegni
2. Elecziun dumbravuschs
3. Protocol dalla radunonza generala dils 7 da mars 2014
4. Rapports
  - President
  - Interclub
  - Meinaturnier
  - Juniors
5. Quen 2014 e rapport dils revisurs
6. Contribuziuns annualas
7. Budget 2015
8. Entradas / extradadas
9. Elecziuns
  - President
  - Actuar
  - Interclub
  - Cau da material
  - Meinaturnier
  - 1 Revisur(a) da quen
10. Program da stad
11. Varia

Suenter la radunonza generala ein ils plaz da tennis reservai en halla per nus entochen las 22.00. Tier damondas stundel bugen a Tia disposiziun.

Cordials salids

*Florian Zanin, President dil club da tennis Mustér*



### Uniun da dunnas Mustér

La devoziun, oraziun mundiala, vegn integrada en la messa dalla **dumengia, ils 8 da mars 2015** allas 9.30 en baselgia a s. Gions.

Cordialmein envida  
*Uniun da dunnas Mustér*

---

### Uniun samaritana Mustér

Nies proxim exercezi meinsil ha liug, **gliendisdis, ils 9 da mars 2015**. Nus sentupein allas 19.30 avon la distec ag, Via Davos Mustér 9.

A stedia participaziun envida  
*la presidenta*

---

### Uniun da dunnas Mustér Mummas cun affons pigns

#### Seruschnar–paterlar–termagliar

Tut ils affons da 0 entochen 3 onns cun lur mummas ni babs e fargliuns ein cordialmein beinvegni, **gliendisdis, ils 9 da mars 2015**, dallas 9.00–11.00 per passentar in bi avonmiezdi da cumpignia el local Artgin.

Per damondas ni sclariment statt Nathalie Lutz, tel. 081 947 61 94 bugen a disposiziun.